

## Universitätsbibliothek Paderborn

**R. P. Richardi Arsdekin Soc. Iesu S. Theol. Professoris  
Theologia Tripartita Sive Resolutiones Polemicæ,  
Speculativæ, Practicæ, Controversiarum, & Quæstionum,  
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter  
accommodatæ ...

Complectens copiosè Resolutiones Theologicas, etiam modernas, ad  
proxim accommodatas

**Archdekin, Richard**

**Antverpiæ, 1682**

Quæstio 25. An validè, aut licitè possit Episcopus Regulares ad  
sæcularium confessiones absolutè approbatos, propriâ authoritate pro  
libitu ad novum examen sub poena suspensionis adigere, aut ...

**urn:nbn:de:hbz:466:1-40873**

authores qui in eo quem tradidi sensu Proprii Sa-  
cerdotis nomen usurpandum docent.

Sed ut hi filerent universi, pro sua reverentia audiendus esset solus Clemens X. qui in Decreto quod incipit: *Superna*, edito anno 1670. litem omnem apertè diremit dum decernit. Religiosos ad Confessiones secularium semel simpliciter approbatos, posse in diœcesi Episcopi approbantis quovis anni tempore, etiam Paschali, & quorūcunque etiam infirmorum confessiones audire, absque ulla parochorum, vel ipsius Episcopi licētia. Et eos qui dictis Religiosis simpliciter approbatis paschali tempore confessi fuerint, Constitutioni quę incipit, *Omnis'utriusq; sexus, quoad Confessionem duntaxat satisfecisse censendos.*

### QUÆSTIO XXV.

*An valide, aut licite possit Episcopus Regulares ad secularium Confessiones absolutè Approbatos, propriā authoritate pro libitu ad novum examen sub pæna suspensionis adigere, aut approbationes à Prædecessore legitimè concessas revocare?*

**N**on desunt pauci ex multis Prælati, qui hanc sibi potestatem vindicarunt, & inde non modicas in sua diœcesi turbas concitarunt. Nittuntur hi clausulâ Bullæ Pii V. quæ incipit *Roma-ni Pontificis*, ubi ita decernit. Volumus eos (Regulares Mendicantes) qui semel, ab Episcopis suis prævio examine approbati fuerint, ab eodem Episcopo iterum non examinari: ab Episcopo autem successore pro majori conscientiæ suæ quiete examinari de novo poterunt. Est quoq; ejusdem tenoris constitutio Urbani VIII. Alias à nobis quę legitur apud Barbosam lib. 1. Jur.

H 5

Eccl.

178 Pars 3. tract. 1. De Opinionum probabilitate  
Eccl. cap. 43. Ex his, & aliis ejusdem formæ Pontificum decretis conficiunt, dictam potestatem Episcopo, saltem Successori, suo jure competere.  
Verum ex adverso demonstrant Regulares, per has Constitutiones, ad instituendum novum examen, aut approbationem pro arbitrio successoris revocandam, nihil omnino potestatis acquiri. Id enim juris allegati Canones tunc tantum Episcopo concedunt, quando constat examen *pro maijori conscientia quiete* illi necessarium esse. Requirunt igitur justam causam, & defectum aliquem satis exploratum ex parte personæ approbata, qui Episcopi conscientiam meritò extimulet, non solam ejus voluntatem, aut causam merè imaginariam. Quod si aliunde constare possit, persona antea absolutè approbatam, ad confessiones excipiendas satis idoneam esse, non est justa Episcopi inquietudo, nec subest causa legitima ut possit Confessarius ad examen revocari. Cum enim habeat Sacerdos Regularis ad Sacramentum penitentiae jurisdictionem à Sede Apostolica concessam, & approbationem Ordinarii à Tridentino requisitam, jam ipsi acquisitum est jus omni ex parte absolutum ad exercendum potestatem legitimè possessam: ac proinde ab illius exercitio conscientiæ, sine injurya deturbari non potest. Non enim habet se approbatio per modum gratiæ arbitrariæ, sed est legitima judicis sententia, quam non potest is qui eam tulit, aut alius, sine nova causa revocare. Hinc non tantum iustam approbationis ritè concessæ retractationem, docet Card. Lugo de Pænit. disp. 21. sect. 3. n. 64. Bossius de Jubil. sect. 3. cap. 2. §. 4. Portel. V. Confess. præsent. Bordonus tom. 1. Resol. 36. n. 8. Leander de pñit.

pænit. tr. 5. d. 11. q. 85. Lezana Consult. 40. n. 1.  
ubi in eandem sententiam adducit Peyrinum,  
Suarez, Pasqualigum, Palaum, & plures ex an-  
tiquioribus.

Roboratur hæc doctrina ex pluribus Summo-  
rum Pontificum declarationibus ac decretis, quæ  
verant imprimis Episcopo Conventum aliquem  
integrum propriâ authoritate à confessionibus  
sæculariū audiendis suspendere, aut ad aliud exa-  
men absque nova cauſa compellere: imo etiam  
ullum Regularium in particulari à se absolutè  
approbatum ad hoc adigere, nisi nova cauſa, &  
ad confessiones spectans postea intervenerit. Nec  
alia est ratio de Episcopo successore, nisi quo  
hic facilius possit dubitare, an approbatio, non à  
se, sed à suo prædecessore concessa, fuerit legiti-  
ma, & persona ad confessiones excipiendas satis-  
idonea. Constant verò ea quæ differui de Epis-  
copo approbante ex Bulla Pii V. *Etsi mendican-*  
*tum n. 41. & Bulla Romani Pontificis, cum adjuncta*  
*Sacrae Congregationis declaratione, nec non ex*  
*alio ejusdem Congregationis decreto, expedito*  
*20. Novembris anno 1615. quo statuitur Archie-  
piscopis, Episcopis, aliisque locorum Ordinariis,*  
*ad quos Confessores approbandi jus spectat,*  
*Confessarios Regulares aliás ab ipsis liberè ap-  
probatos, ab audiendis confessionibus suspendere*  
*post hac minimè licere, nisi ex nova cauſa, eaque*  
*ad confessiones ipsas pertinente, aut ob non ser-  
vatum Interdictum ab ipsis Ordinariis positum.*  
*Eiusdem tenoris est Bulla Innocentii X. Cum sicut*  
*aceperimus: data 16. Maii anno 1648. quæ decernit,*  
*Regulares aliás liberè ab Episcopo, prævio exa-  
mine, approbatos ad audiendas confessiones per-  
sonarum sæcularium, ab eodē Episcopo suspendi*  
*non posse sine nova cauſa, eaque ad confessiones*  
*ipsas pertinente.*

H 6

Qui

180 Pars 3. tract. I. De Opinionum probabilitate  
Quinimò, quoad Episcopum successorem, Gon-  
zales ad Regulam 8. Cancellariæ, refert Decla-  
rationem Cardinalium in hæc verba: Episcopus  
non potest examinare approbatos à suo Ante-  
cessore, nisi post promotionem aliqua nova cau-  
sa superveniat: quod si data sit causa Successori  
dubitandi de capacitate antea approbati, non  
potest cum de quo dubitat suspendere ante ex-  
amen, cum sit in possessione, sed debet illum ad  
examen revocare. Prætero plura alia decreta  
& decisiones, quas hæc controversia, mirum quā  
sæpe renovata, pro Regularibus extorsit. Qualis  
fuit pridem illa contestatio inter Episcopum  
Brugensem & Regulares suæ diœcesis; quos à  
prædecessore simpliciter approbatos, cum ad no-  
vum examen adigere vellet, præcepit illi autho-  
ritate Apostolica Illustrissimus tunc in Belgio  
Pronuncius, ut Regulares à suorum privilegiorū  
usu non impeditur, ac tergiversantem ad gravem  
mulletam condemnavit, per sententiam datam  
16. Augusti anno 1690. Donec tandem Episco-  
pus destitutus, & Regularium privilegia agnoverit,  
per transactionem Concilii Regii diplamate  
Bruxellis expedito confirmatam.

Hanc item è Belgio tunc proscriptam, Tor-  
nacum nuper revexit Episcopus ex Gallia illi  
diœcesi impositus, qui suo edicto 24. Aprilis an-  
no 1671. citavit omnes Regulares ad confessio-  
nes sacerdotalium approbatos, ad subeundem no-  
vum examen à die 20. mensis Maji, revocans eo e-  
lapsò omnes approbationes administrandi Sacra-  
mentū Pænitentiae, sive per suos prædecessores,  
sive per Vicarios generales concessas: sed con-  
tus ille novus majorem molestiam quam pro-  
gressum habuit. Nec alibi hujusmodi procel-  
laciōnē exitum retulere.

Declaratio